



Inatsisartunut ilaasortaq Debora Kleist, Inuit Ataqatigiit  
Maani/

### § 37 naapertorlugu apeqquteqaammut nr. 160-2017-mut akissutit

Ulloq: 27-06-2017  
Suliap normua: 2017 - 14091  
Akt nr.: 5651252

Inatsisartut suleriaasianni § 37, imm 1, naapertorlugu ingerlatseqatigiiffiup Arctic Prime Fisheriesip avaleraasartoortassinneqarsimannginnera sumik patsiseqarnersoq *naalakkersuisunut apeqquteqatigaat*. Apeqqutigineqartut uannit akissanngortinneqarsimapput.

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

1. *Naalakkersuisut angallatinut Ilvilermut Qavammullu kalaallit suliffeqarfiini kisiartaallutik pisassiissutinik tunniussinnginnerminni suna tunngavilersuutigaat?*

1-imut. Avaleraasartoortassanik qinnuteqarsimasunit kikkut akuerineqassaneri Naalakkersuisunit aalajangiiffigivinneqartarpoq. Avaleraasartoorniarnermi piumasaqaatit Naalakkersuisunit aalajangersarneqarsimasut naapertorlugit qinnuteqaatit aalajangiiffigineqartarput Aalisarnermullu inatsimmi § 24 imm. 1-imi piumasaqaataasut naapertorlugit Naalakkersuisut nalilersimavaat Arctic Prime Fisheries qinnuteqarsimasut akornanni akuersissummik tunineqartariaqanngitsut ilagigaat.

2. *Naalakkersuisut angallatinut marlunnut taakkununga, APF-imit pigineqartunit, immikkut avaleraasartoortassanik tunniussinissamut pilersaaruteqarpat?*

2-mut. Naamik, Naalakkersuisut taamatut pilersaaruteqanngillat. Ingerlatseqatigiiffik ataaseq piinnarlugu avaleraasartoortassat amerlineqarnissaat pissusissamisoortuunavianngilaq. Pisassiissutit ingerlatseqatigiiffinnut ataasiakkaannut iluaqutigineqartussanngornagit inuiaqatigiinnulli tamanut iluaqusisussanngorlugit aalajangersarneqarsimapput.

3. *Siunissami qaninnermi patajaassutsip, ineriartornerup nunamilu suliffissuaqarneq Tunumi kujataanilu attatiinnarumallugit Naalakkersuisut qanoq aaqqissusiornissartik takorloorpaat?*

3-mut. Kalaallit Nunaata kangiani kujataanilu patajaatsumik ingerlatsinissaq ineriartortitsinissarlugu Naalakkersuisut eqqummaariffiguarpaat. Tamanna Naalakkersuisooqatigiinnissamik isumaqatigiissummi aamma allassimavoq, tassani ilaatigut atuarneqarsinnaammat *"Tunumi Tasiilap eqqaani Ittoqqortoormiinilu aalisarnermik inuussutissarsuiteqarneq immikkut pilersaarusiugaasumik siuarsarneqassaaq, aalisariuteqarnikkut tunitsiveqarnikkullu ineriartortitsiviusumik"*.

*4. Allaffissornikkut piumasaqaatit immikkoortiterinerillu suut pisassiissutinik agguaassinermi atorneqartarpat?*

4-imut. Aalisarnej pillugu inatsisartut inatsisaanni inatsisit atuuttut saniatigut agguaassineq Inatsisartut inatsisaanni § 24 imm. 1 naapertorlugu maleruagassaliat Naalakkersuisunit akuerineqarsimasut naapertorlugit pisarpoq.

*5. Tunniussinernut atatillugu immikkoortut 1-4 tunniussinermi atorneqartarput. Nalunaaruteqarnerit nalilersuinerillu qanoq ingerlanneqartarpat?*

5-imut. Periuseq naapertorlugu qinnuteqarniartut piumasaqaatit suliarineqarsimasut naapertorlugit qinnuteqarnissamut piffissaliussap iluani qinnuteqartarput. Tamatuma kingorna qinnuteqaatit Naalakkersuisoqarfimmi suliarineqartarput taamaalereeraangallu avaleraasartooriarnissami ingerlatseqatigiiffiit sorliit akuerineqassaneri Naalakkersuisunit inassutit naapertorlugit aalajangiiffigineqartarput.

Inussiarnersumik inuulluaqqusillunga

Karl-Kristian Kruse

Aalisarnermut Piniarnermullu Naalakkersuisoq